



職方典第一千二百七十三卷

永州府部彙考三

永州府山川考二

府縣志合載

道州

元山在學後以唐狀元李邵宋吳必達樂雷發皆狀元故名洪武間建樓於山麓曰狀元樓嘉靖丁酉顧璘按臨視學命刻元石二字蓋又以元公爲重或謂不若元山之雅也改今名

斌山在治北石峯奇瑰上有石刻曰斌山下有池曰龍泓有石井曰丹井其頂曰駕鶴峯相傳爲江夏馮京隨父任道州讀書其下人爭傳爲馮家斌山而明時指揮洪達者宅其東偏壤爲私地又遂冒稱洪家斌山然今皆茂草矣 鴈塔山在州東北拱宜山前臨瀟水 擔山

在州東五里山有二皆石崖俯臨江水二石似擔故名又俗云扁擔洲 虞山在學西帝舜

南巡蒼梧曾經駐蹕唐刺史元結立舜廟於此今廢 玉城山在州治東廣濟倉之下

馬蹄山在州東北二十五里山石上有仙人足跡及驢馬跡舊名馬蹄山 宜山在州北十

五里屹然雄峙爲一邑之鎮山麓有巨石壁立俗呼爲聖人石上有宜山神廟凡艱於嗣息者禱之輒應 木壘山在州北五十里山勢峻拔石磴懸絕輿騎者皆不得縱騁至瀧泊鋪始

就平焉

麻山在州北八十里兩崖對峙石壁千仞麻之灘走其下聲如雷吼州之北戶此

爲絕險舊置麻灘驛路之西偏有公館一所以便官府往來住宿俱久廢

龍跡山在州北

四十里卽古有庫之墟

營道山在州西北五十里接永州白水山始名營陽又曰南營又

曰弘道狀如蜥龍又曰龍山天寶六年改今名

白雞山在州西北六十里山極險峻與全

州瀧陽諸山相聯絡舊有鄰寇乃設兵以守號白雞營向係永衛軍屯守今廢

毛岡山在

州西十八里其下有泉池可溉田民利賴焉

安定山在州西十五里土名安心寨山石壁

上刻道山二字濂溪出其下周子實生於此州守王公作濂溪故里圖著圖說

平正山在

州西三十里舊名太平山唐天寶六年改今名

營山在州西四十里層巒綿互實爲州之

西屏其中峯最高鄉人呼爲春陵山與全州瀧陽連界按唐武德四年置營州明年改爲南營

州卽在山下今小坪村有南營州故址

魚壘山在州西五十里山極深阻旁有大江源潘

家源西連濯陽南通富賀山苗常出沒於其間設固西營以守之今廢 荷山在州西五里

舊有禪林亦名禪林山上有石臺今俗呼爲何山臺是也 荆山在州南三十里俗名了髻

嶺山下有碑并石獸相傳爲蜀丞相蔣琬墓今考其子斌復鍾會書有云葬涪陵此恐誤

萬壽山在州西四十五里上有石刻萬壽山三大字 銀山在州南二十五里山極高峻與

宜山對峙如賓主 蔣居山在州東南四十里地名四眼橋山極險阻亦名大尖嶺聯絡九

巖蒼梧之墟其深阻不可窮盡往時土寇據爲淵藪故設立滴水靖邊洪塘週塘中軍五營以

統之令千百戶一員防守今悉廢止原立猛官應故事而已 大還山在州西三十里相傳

昔有羽士燒煉其中丹成而去故名舊有觀今廢 龍母山在州西四十里月巖之西山有

龍母祠歲旱禱之多應 白石壁山在蔣居鄉石壁峭立望之如屏其色瑩白可愛土人竟

以白石壁呼其地 五老山在州西北五里山下有泉名五龍井刺史陽公城左降時有春

陵五老迎至襄陽公與之繾綣問其所居則曰在城西北五里至郡訪焉惟有五龍井繾綣猶

在立廟時貞元十九年也大觀四年賜號崇應政和中封侯爵明嘉靖間州守禱雨至山下因

以爲名

南山在州治南山之上故有白雲亭元次山有白雲亭詩

瀟山去州二十五

里山下有泉亦名瀟川

壘山在西北五十里舊名永山唐天寶六年改今名

月巖在

州西四十里舊名穿巖明嘉靖甲辰州守王會磨崖刻之曰太極洞著有圖說萬曆時張喬松

改名太極巖辛丑州守錢達名曰鴻濛一窾

斑竹巖在州南五十里多斑竹相傳舜葬九

疑二妃相從故跡唐劉長卿有詩

中郎巖在州北四十里進賢鄉石洞幽邃內有泉出自

石罅泠泠不竭石崖層磴若斷削者沿磴而上如升樓閣內有中郎祠俗傳爲漢張騫經此或

云唐末時人張廷者故稱今名永郡太守黃焯往遊之謂茲巖之勝與含暉月巖不相上下萬

曆間州守錢達道以巖中有石柱八又名八柱巖

華巖在州西八里兩巖對峙一明一暗

方檢討題曰玉霞紫帽刻之巖石李太博修祀瀝溪過焉建亭洞口額曰藏舟州守錢達道改

名明者爲華陽巖暗者爲華陰巖

含暉巖在州南四里石洞如屋東西兩門內有泉出從

石罅灑灑有聲劉禹錫記云薛君景晦得異境有石室穹然如夏屋因名之曰含暉宋紹興己

卯向子恣改爲金華巖巖中之泉亦名金華泉治平乙未周元公通判永州歸展親墓與鄰人

并其二子同遊刻名巖石今字跡猶存焉明嘉靖丙戌州守葉文浩構亭巖上刻曰魚躍鳶飛
雲石在學後上闕下細輪菌飛騰望之儼如雲焉堪輿家每以爲士人登雲之驗 五如石

在夏津門外左如旋龍右如驚鴻前如飲虎後如怒龜坐於石巔如乘靈槎元次山序淳泉之
陽得怪石焉左右前後及登石巔皆相似故名之曰五如石建亭於此 洞樽石在淳泉之

陽石有雙目一目命爲洞樽可貯酒

維舟石在城西三里開元觀西江岸叢石中初察王

履道謫居於此每乘舟遊憩必維舟其下使人磨崖書刻初察維舟石

石魚石元次山石

魚湖記云漣泉南有獨石在水中狀如遊魚凹處修之可以貯酒

漣溪在州西元公故居

安定山下溪泉是也南軒祠堂記云漣溪里名也先生家世其間及寓於他鄉而不忘其所自
故亦以是名溪今江州廬山下亦有漣溪名蓋指此也 左溪在下津門外源出九井東流

與沱水合亦不時潮汐或曰當其年潮汐必有顯者

右溪在下津門外元次山名之有遊

右溪勸學詩薛伯高卽其旁建學

坦溪在州北宜陽鄉灌田數十頃大旱之歲水反溢若

大澇則水更清

營水出營山流六十里至州西與沱水合經宜陽鄉與舜源水瀟水合轉

注單江至府入湘

泡水去州八十里東北流五十里與沱水合

龍遙水在州西北四

十里出遙山南流二十里與宜水合流入瀧

瀧水在州西北南流百里至州北與沱水合

下泱水在州西北七十里出上泱山西流十里與上泱水合入沱水

庫灘在宜陽鄉從州

治東行沿江而下四十里地名江村建有庫亭廟祀象神舟行至此至漫潭便謂之入瀧勢極

險惡春夏水漲則漕運可通亦能爲舟害宋嘉定間太守林致祥捐俸命石工沿瀧鑿山開道

自庫亭達之雷石行者遇險則舍舟趨陸去州治八里有麻灘流灘大家灘三處絕險其灘

之名大略有四

五龍井在州北五里五侯祠在其上

白魯井在州西一里地名楊樂

田宋處士歐陽六有書堂在旁刻詩石上

洞井在五如石間有雙目一目命爲洞井與七

勝泉通

石井在東臺寺前深二丈環石竇其上以通汲日供二三百斛不竭郡人黃公譽

石護之

南園井在小蓬萊之下係州判衙今廢

崖井在州治雙桂堂後以上二井宋

嘉熙戊戌太守張燧以石欄護之今廢

蕭公井舊在貢院之右卽清洽泉今廢

奉家

井一名九井在州北一里有五井其下相通或以爲有水怪俗呼五女井昔有五女在井浣紗

見有綵繒在五女競取俱沒故名

七泉在州治東北曰漣泉汧泉湫泉滹泉潯泉漫泉漣

泉狀類七井其五井相連屬二井稍離脉亦相聯皆元公結所題有記有銘又周子恭有記

七勝泉在五如石間元次山云石有竇中湧泉勝於七泉故名

金華泉在含暉巖中向子

恣所命名也

如意泉在天慶觀之前數步

知時泉在望仙門內數步少折而南泉在

焉夏至則盈秋分則涸故名後人鑿石爲龍以導其流紹興中太守辛公創亭扁之今廢

聖脉泉在元公故里州守方進刻石上曰聖脈泉以元公故也

甘露泉在麻灘西五里有

泉出石罅間如一線涓涓不絕行人飲而甘之州守張安慶刻於石壁曰仙巖甘露錢達道曰

菩提一滴

東池一名浴星池在宅生堂後卽瑞蓮池

西池在常平倉前卽衛西龍眼

塘

愛蓮池在濂溪書院北卽周子觀蓮故處每夏秋之交香風習習綠淨紅芳不啻西湖

之十里矣朱文公有詩

放生池在州南因江爲之今淤廢

鐵作池按府志在東池之

畔一名浴星池

寧遠縣

九疑山在縣南六十里亦曰蒼梧山虞帝南巡實崩於此至今有帝陵在焉攷漢志注九疑在營道南漢紀注應劭曰舜葬蒼梧九疑晉郭璞曰其山九谿皆相似或云九峯參差互相隱映望而疑之故名九疑各有一水四水同注南海一水北注洞庭真天下名山也騷人墨客多留題焉漢司馬子長足跡亦嘗到此其自序云

嶂山一曰萬歲山在麓林南其上有藏院今基猶存有仙洞山巔地平可望舜峯

北灌山卽羅郁所隱也

鰲頭山在縣南三里三

峯挺秀儒學向之

天門山在縣南直上千餘丈望之如天門

寶蓋山去縣三十里諸

山皆連互此山特立每雪餘詠景者謂寶峯雪霽

香爐山在縣南十里頂平如印又云金

印山

天柱山在縣北九十里形如柱立

春陵山在縣東七十里五山相接秀拔不羣

有春水在焉

太平山在縣北一百里山頂有寺

虎山在縣南五里山臨水潄狀類伏

虎登覽境內山水一目可盡

西山在縣北五十里仁澤水出焉

鶴鳴山在縣西南三

十里當大陽溪之下流

淹口山在縣南有巖一竇當淹水之衝

五指山在淹口之南

五山相連如指故名俗又呼爲五臣山

石門山去縣四十里其形盤踞有門可通

白

石山在縣東北延袤十餘里崖壁皆白 鳳梧山在縣北八十里有岡名舞高下有石鳳

雨餘觀之五彩爛然 大富山在縣北俗呼爲黃馬山邑之主山也 羊權山在舜祠南

羊仙觀後因羊權仙去遂以得名 鳳山在虎山之上其形如鳳故名 蔣山在縣西三

里其形如帽一方之鎮也 明月山在縣東南四十里 卦山在縣南十里兩山對立形

如畫卦故名 木華山在仁澤鄉瀕江 白面山在縣北十里有羅仙祠 黃連山

在縣北二十里其山多黃連木 大谷山去縣二十五里叢峯聯嶂不可名狀 峻嶺山

在縣西十五里其山陡峻特甚 太和山在縣南南林寺後 維山在縣西南三十里其

山多古松 追涼山在縣東北七十里 陽和山在西鄉近零陵之界 黑山在縣西

南三十里有寨址下有巖谷 武崇山在縣北八十里有古觀遺址 龜山在留田去

縣九十里上有古廟多靈異 永樂山在縣南二十里山上有泉庵曰金泉 曬袍山在

縣北一百二十里相傳有神人曬袍於山頂 上流山在縣東北界一百三十五里山勢連

疊如流水故名上流下流云 舜峯去舜祠四十里三峯鼎立相去各五里衆山環合上有

飛泉峯其勢奧突險絕

朱明峯在舜峯下爲瀟水之源一統志云瀟水源出九疑南流至

三江口東北與沅水合又東北流至本府北流至湘口會於湘因攷湘水源出廣西桂林府興

安縣海陽山自海陽下全州流經本府至湘口與瀟水合又下衡州與蒸水合趨長沙以入於

洞庭焉然考道州舊志又云瀟水出自郡城外西北偏流入城經守備署前徑達南城江中合

於諸水故自城西守備司一帶至玉成山以下其流四時不竭所居民分爲二坊一名上瀟坊

源一名下瀟源坊其名已舊又似不出於九疑朱明峯下矣 石城峯在舜峯北十五里沱

水源出其下 石樓峯在舜峯東三十里巢水源出其下 娥皇峯在舜峯西六十里其

下亦沱水源 女英峯在舜峯西五十里 舜源峯在舜峯北二十里此峯最高亦曰華

蓋乃中峯也瀑水源出其下 簫韶峯在舜峯西十五里潞水源出其下 桂林峯在舜

峯北十五里沱水源出其下 杞桂峯在舜峯北六十里洞水源出其下 滿田峯在縣

北一百里山自衡山分支屹然聳秀上有神女祠今係新田縣治內 白雲峯上有巖深廣

若室旁有石如巨人跡巖中白石下垂擊之有聲在縣北九十里 玉樓峯在萬壽山西南

八里

集賢峯在萬歲山南五里

無尖峯在由村

朱陵峯在境內

牙梳嶺在

九疑深處山勢博大高可參天相傳爲九峯行龍之地登高眺之儼然如梳

繖嶺在縣東

二十五里楊梅嶺在縣西南三十里山多楊梅故名

霧頭嶺在縣東二十里勢高聳如在

雲霧

仙人嶺在縣西五里狀如仙人几坐

豬鼻嶺在縣西五里路盤糾通水寨

梅嶺在縣西四十里古有梅花梅水出焉

黃村嶺在大陽溪下流與鶴鳴山對峙瀟水經

其間

滂嶺在縣南下皆沃壤遇雨則渟滷難行

馬鞍嶺在縣東北百五十里形如馬

鞍高峻

響石嶺在縣西北百二十里人行石上如響鼓故名

真武嶺在縣北九十里

孤聳類人危坐有二小山如龜蛇故名其山

黃嶺在西南十五里舜溪梧溪經其下

梧溪嶺在西南二十里與黃嶺相接通道州

桂嶺在縣南四十里多丹桂桂水出焉

石梯嶺在縣西北八十里爲西鄉之關阨

白水嶺在縣西北一百一十里光武起兵猴坪

道經此今在新田縣治內

黃柏嶺在縣東北一百五十里產黃柏今在新田縣治內

分水嶺在東北一百二十里頂有水分爲二流西北注祁陽東南注縣今係新田縣治內

重華巖舊名斜巖郡守黃焯改今名在舜祠後石磴層懸寒泉清冽古木蒼烟蔭護其間下有
竇闊二丈許入巖有石田棋布皆町畦隴畝之象其平處宏敞可容數十座石嶠迴翔若蟠蛟
舞鶴蜿蜒起伏泉滴甘芳巖左有洞寬不盈丈深不可極須多執火炬乃可行初入惟見懸崖
峭壁入半里許則蓋圓地平石多詩刻流泉會聚去里餘有巨石如柱懸插其形如梵門轉藏
乳滴凝積如佛像器具飛走之狀右爲楊梅洞石皆如楊梅前爲學堂巖羣石峭起肖人形若
師徒叙列然元次山篆刻無爲洞天字有寇萊公題名前復有渡渡之外仍平地乾道中陶公
定嘗遊此刻石於永福寺云其巖與靜江洞相通巖西偏石上有跡如馬蹄因名曰馬蹄石蓋
亦邑中之奇觀也明萬曆時分守鄧公有遊九疑記紀其景獨詳 玉瑄巖去舜峯四里漢

哀帝時零陵郡文學奚景得玉瑄十二於此今舜祠後石室是也巖前有天皇元年舜碑蓋咸
通中羽流所作者不足信也愚按玉瑄得之於此斷非僞爲者後人謂舜葬九疑非真以太史
公所記舜崩蒼梧之野其說非是真拘儒之見也 白馬巖下有石溢滴水不漏取之不竭

觀音巖在齊雲閣之側頗深邃巖之水與無爲洞通 高士巖去舜祠二里舊名野豬巖丘

順甫改今名相傳昔有獵者遇群豕逐之入巖而沒得樂器一部無爲觀道士以獻之朝

月帔巖在出村梁武帝時有師來自南岳居白馬巖臨溪而浴旣去留所衣月帔於林間久而不壞坐席之跡亦宛然遂呼爲月帔巖 逍遙巖在縣北五里巖穴深廣前後相通古有逍

遙洞天字刻 石樓巖在玉瑄巖西一里高峯直突由竇而登如層樓上有李揆題刻古今

遊詠 黑山巖在黑山下竇中深邃必燃炬而入內產鍾乳 黃連巖在東鄉石佛山巖

竇幽圓中有浮屠像石乳結成 萬安巖在太平山之九牛腹環東而上外頗光霽坐可容

數百人稍深卽暗中有方臺可躋圓竇可通竇南有隙光下有清泉甚甘美 斑竹巖在故

舜祠南隩相傳舜葬九疑二妃追隨不及揮淚著竹成斑 川僧巖在永福寺左昔有蜀僧

長夜居於其中後化去故以名巖 穿巖在太平久安坊下洞山頂高虹通貫若天橋然從

下望之如圓月當空高峻難於登眺 華巖在太平鄉旭日竇臨藹然在目 富巖在思

少祖脚巖洞中清流曲折有神祠祈禱輒應 淹口巖在演武營東當淹水之衝因以命名

龍巖在丹桂鄉臨瀟水之澗大陽溪上相傳巖中有龍吟聲則其鄉必有登賢書者 獅子

巖在上董洲巖口有風雲雷雨神祠祈求響應

湮水巖在縣北八里其山連互里許水自

巖北入巖南出

黃連巖去縣十五里窈窕中通有奇怪之狀

石佛巖在東鄉石佛山

巖竇幽闐中有佛像皆石乳凝結上有異藤自頂而下遊者必緣而登炬而入焉

裂石巖

在縣北十里

蕩頭巖在廣濟鄉韓溪坊其巖深長中有神祠祈雨輒應

高巖在太平

鄉蜂田東甚險峻必橋渡以入

楊梅巖在東鄉一都洞極深邃必炬而入

仙桃巖在

西洞茶溪源高爽幽邃持炬而入前後左右相通

象石巖九疑之麓爲麗山厥石如象宋

邑人樂雷發讀書於此有賦銘

望岡在縣南二十里其山秀麗九疑山之水經其下周元

公高祖墓在焉

塔岡在縣西南三十里桂水夾其右羅溪遶其左交會西流合於瀟水

梅岡在縣東北七十里曲江道上有曲江祠

桐岡在縣西北二十五里背負東口諸源山

零桂常衡道其下

白神岡在縣北

金家岡在縣西

野蓼岡在縣東北十五里

梅竹岡在縣西五里

楊梅岡在縣東北二十里

馬安岡在縣北十五里

銚岡在

縣北二十里

黃茅岡在縣東鄉二都

白竹岡在中和鄉三都

珍珠坪在縣南蘇

江洞 八里坪在縣北五里其地平互八里 白草坪在縣南三十里 馬草坪在縣

東南四里產馬草畜馬者利之 周家坪在縣東南十里 桐油坪在縣西北十五里居

民業桐於此歲獲油利 楊家坪在縣北七里可藝五穀居民利之 桐木坪在東鄉一

都源流下注洞皆原田 韓家坪在縣西二十五里 赤木坪在大管嶺 猴坪在縣

北九十里有龍飛廟及春陵侯祠居民世祀焉或傳光武起兵於此非是 三峯石在九

疑隩突開三峯鼎峙相去各五里卽舜峯也爲九疑諸峯之首 龜石有二其一在城北池

中狀如昂首龜其一在九疑麓牀山路旁又云迷術龜 馬鞍石在城西池口狀如馬鞍

狗頭石在北關石硯橋前狀如狗頭 平石在太平平石橋溪中石平如琢磨 喇叭石

在大富山側有石突起向孔吹之作喇叭聲故名 紅綠石在紫霞洞中第九渡懸崖石皆

紅綠色如琉璃瑪瑙然 仙跡石在麓牀山一石長十有六尺仙人跡在其上 馬蹏石

在紫霞巖面北一里石上有馬蹏跡 秤錘石在九疑山中石如秤錘 脫石在縣東七

里層疊相仍不相連理 鵝管石在洞中第七渡有水滴如乳擊動則巖前如雨瀉 楊

梅石在紫霞巖楊梅洞石田中燭而視之頗紅鮮任人隨取不乏人莫知其故今東鄉楊梅巖及西洞仙桃巖俱有 三牛石在九疑嶂山南與舜峯相對角足類牛上常有雲氣路險難

到 白牛石在仁澤鄉二都江岸屹然若牛立水滸爲一方之鎮士大夫頗詠其事 羅

漢石在紫霞洞中第二渡有石肖羅漢 豬頭石在東鄉社灣道傍石突如猪首 薦石

在縣西南十里石如臥草薦 鷄冠石在縣西南舊官道中狀如鷄冠頂 彭祖石去舜

祠四十里地名彭祖其池內有石若釣磯舊傳彭祖曾至此 響石有三一在逍遙巖一在

縣西水崖一在東鄉白石山下以鐵石微擊之如鼓聲然 浪石在縣南丹桂鄉石皆如浪

紋 石室卽何侯宅今玉瑄巖是 石限在太平鄉魯觀口有石橫道如門限然 石

門有二一在石家洞一在石門山 麓牀三級在簫韶峯之東北相去十餘里有石鑑石龜

其蹟幻異上有四壇第一壇有煉丹鑑釜猶存第二壇有齊永明時所鑄鐵磬十三枚第三壇

有石牀第四壇有盆水不竭 碧虛洞水通碧虛橋南注舜溪其水有嘉魚亦名嘉魚洞元

次山名曰無爲洞去二十里有石穴仰見天光天聖中僧雲亮於洞前築堤爲池以灌田上有